

“Član 33a.**Obrada ličnih podataka u policijske svrhe**

(1) Obrada ličnih podataka u policijske svrhe podrazumijeva obradu ličnih podataka koju vrši policijski organ radi sprečavanja i suzbijanja kriminala i održavanja javnog reda.

(2) Prilikom obrade ličnih podataka u policijske svrhe policijski organ:

- a) dužan je voditi evidenciju o svim zbirkama ličnih podataka i prijaviti ih Agenciji za zaštitu ličnih podataka u skladu sa članom 14. Zakona o zaštiti ličnih podataka;
- b) dužan je voditi ove podatke odvojeno od drugih informacija;
- c) ovlašten je, ukoliko je to neophodno u policijske svrhe, kombinovati lične podatke obrađivane u druge svrhe;
- d) dužan je ograničiti sakupljanje ličnih podataka koji se odnose na rasno porijeklo nosioca podataka, njegovo vjersko uvjerenje, seksualno opredjeljenje, političko mišljenje ili pripadnost određenim pokretima ili organizacijama koje nisu zakonom zabranjene. Sakupljanje ovih ličnih podataka može biti provedeno samo ako je to neophodno za potrebe određene istrage;
- e) dužan je lične podatke označavati sa gledišta stepena njihove tačnosti i pouzdanosti, a prije svega da razlikuje lične podatke zasnovane na činjenicama od podataka zasnovanih na ličnim mišljenjima i procjenama;
- f) dužan je stalno i najmanje jednom u tri godine provjeravati da li su lični podaci neophodni u određene svrhe te nepotrebne podatke brisati;
- g) provjeru iz tačke f) ovog stava ne provodi u slučaju obrade ličnih podataka u svrhu osnovne identifikacije izvršioca kažnjivih djela (evidencija otisaka prstiju, DNK i dr.) kada se brisanje podataka provodi po isteku pet godina od smrti izvršioca;
- h) provjeru i brisanje ne provodi u slučaju kada je lični podatak stavljen u dokumentaciju koja nije automatizirano vođena i kada se postupuje po pravilima arhivske službe;
- i) ne može vršiti obradu ličnih podataka preko obrađivača.

(3) Za potrebe ispunjavanja obaveza iz stava (2) ovog člana organi koji učestvuju u krivičnom postupku dužni su pružiti pravovremeno informacije o pravomoćnim odlukama i zastarjelosti krivičnog djela nadležnom policijskom organu.

Član 33b.**Korištenje ličnih podataka**

(1) Lični podaci obrađeni u skladu sa odredbom člana 33a. ovog zakona koriste se ako je to:

- a) neophodno za obavljanje zadataka policijskog organa;
- b) neophodno za ispunjenje obaveza iz međunarodnog ugovora koji je zaključila BiH i za ispunjavanje obaveza u okviru međunarodne organizacije Interpol;
- c) zakonom određeno;
- d) u interesu nosioca podataka ako je on dao saglasnost i ako je tu saglasnost moguće predvidjeti;
- e) neophodno da se izbjegne ozbiljna i neposredna opasnost.

(2) Lični podaci dostavljaju se na osnovu zahtjeva u kojem je potrebno navesti podatke o podnosiocu zahtjeva, razlogu i svrsi za koju lični podaci trebaju biti predati.

(3) Podaci se mogu dostaviti i bez zahtjeva ako dostavljanje proizlazi iz zakona, međunarodnog ugovora ili se radi o dostavljanju za potrebe međunarodne organizacije Interpol, kao i u slučaju iz stava (1) tačka e) ovog člana.

(4) Ukoliko je moguće policijski organ će prilikom svakog dostavljanja ličnih podataka dostaviti i informacije o pravomoćnim odlukama organa u vezi sa krivičnim postupkom.

(5) Neistiniti i netačni lični podaci ne mogu biti dostavljeni, neprovjereni lični podaci moraju biti označeni prilikom predaje i mora biti navedena mjera njihove pouzdanosti.

(6) Korisnik podataka nije ovlašten za obrađivanje ličnih podataka u drugu svrhu osim one u koju su podaci bili dostavljeni.

(7) Izuzetno od stava (6) ovog člana, korisnik podataka može obrađivati lične podatke i u druge svrhe ako je ispunjen jedan od uvjeta iz stava (1) ovog člana.

Član 33c.**Prava nosioca podataka**

(1) Policijski organ neće dostaviti informaciju nosiocu podataka shodno primjeni odredbi Poglavlja III. Zakona o zaštiti ličnih podataka ako bi moglo doći do:

- (a) ugrožavanja obavljanja zadataka policijskog organa u kontekstu krivičnog postupka ili

(b) ugrožavanja ovlaštenih interesa trećeg lica.

(2) U slučaju neispunjenja uvjeta iz stava (1) ovog člana ili u slučaju brisanja ličnih podataka, policijski organ donosi odluku koju pisano obrazlaže.

(3) Ako policijski organ ne obrađuje lične podatke koji se odnose na podnosioca zahtjeva ili ako bi sa obrazloženjem odluke o odbijanju zahtjeva moglo doći do ugrožavanja obavljanja zadataka policijskog organa, podnosilac zahtjeva bit će obaviješten o tome da policijski organ ne obrađuje lične podatke podnosioca zahtjeva.

(4) Ako je policijski organ dobio lične podatke bez saznanja nosioca podataka, a koje će dalje obrađivati, potrebno je o tome informirati nosioca podataka i u slučaju ako to ne može ugroziti obavljanje policijskog zadatka ili interese trećih lica.

Član 33d.

Obrada ličnih podataka umrlih

(1) Pod ličnim podacima smatraju se i podaci koji se odnose na umrla lica.

(2) Prava nosilaca podataka umrlih lica izvršavaju se posredstvom pravnog nasljednika.

Član 33e.

Objavljivanje ličnih podataka

(1) Policijski organ ovlašten je objaviti lične podatke u potrebnom obimu ako je to neophodno za potrebe osiguravanja identiteta lica i potrage za traženim licima i stvarima.

(2) Obrada ličnih podataka, prema odredbama ovog Zakona, ne podliježe obavezama propisanim Zakonom o slobodi pristupa informacijama u Federaciji BiH ("Službene novine Federacije BiH", broj: 32/01)."

Član 5.

U članu 42. stav (1) tačka 2. iza riječi "sa najmanje" dodaju se riječi "završenim prvim ciklusom visokog obrazovanja 180 ili 240 ECTS bodova ili".

Član 6.

U članu 46. stav (1) tačka c) iza riječi „a najmanje" dodaju se riječi "završenim prvim ciklusom visokog obrazovanja 180 ili 240 ECTS bodova ili".

Član 7.

(1) U članu 51. stav (3) mijenja se i glasi:

"Kandidat koji ne položi jedan od testova iz stava (2) ovog člana ili ne pristupi testiranju, isključuje se iz daljeg procesa odabira, što se objavljuje na oglasnoj tabli policijskog organa sa naznačenjem razloga za isključenje".

(2) U stavu (4) u tački d) riječ "zapošljavanja" zamjenjuje se riječima "pohađanja osnovne obuke za kadete", interpunkcijski znak tačka na kraju teksta se briše i stavlja se interpunkcijski znak zarez, te dodaju sljedeće riječi: "a nakon izvršenih sigurnosnih provjera".

Član 8.

U članu 53. u stavu (3) riječ "konačnu" briše se, a riječ "zapošljavanje" zamjenjuje se riječima "osnovnu obuku za kadete". U istom članu stav (4), briše se.

Član 9.

Iza člana 53. dodaju se novi članovi 53a. i 53b., koji glase:

"Član 53a.

Sigurnosne provjere

Nakon odobravanja liste predloženih kandidata iz člana 53. stav (3) ovog zakona, kandidati će biti podvrgnuti sigurnosnim provjerama u skladu sa Zakonom o zaštiti tajnih podataka.

Član 53b.

Konačna lista kandidata

Nakon prijema konačne i obavezujuće odluke o sigurnosnim provjerama iz člana 53a. ovog Zakona, komisija za izbor objavljuje konačnu listu kandidata koji će biti upućeni na osnovnu obuku za kadete".

Član 10.

(1) U nazivu člana 54. i u stavu (2) navedenog člana riječ "radu" zamjenjuje se riječima "međusobnim pravima i obavezama".

(2) U članu 54. stav (1) riječ "radu" zamjenjuje se riječima "međusobnim pravima i obavezama za vrijeme trajanja osnovne obuke".

Član 11.

U članu 59. stav (1) mijenja se i glasi:

"(1) Kandidat za mjesto policijskog komesara mora imati VII stepen stručne spreme, čin glavnog inspektora i najmanje jednu godinu dana rada u tom činu".

Član 12.

(1) U članu 62. stav (1) riječi “može ga razriješiti dužnosti” zamjenjuju se riječima “razriješit će ga sa dužnosti”.

(2) U stavu (1) tačka c) mijenja se i glasi: „c) ako ne izvršava poslove iz svoje nadležnosti u skladu sa zakonom i podzakonskim aktima”.

Član 13.

U članu 70. u stavu (2) iza riječi “najmanje” dodaju se riječi “završenim prvim ciklusom visokog obrazovanja 180 ili 240 ECTS bodova ili”.

Član 14.

U članu 72. stav (1) mijenja se i glasi:

“(1) Dodijeljeni čin može se oduzeti u sljedećim slučajevima:

- 1) na pismeni zahtjev policijskog službenika;
- 2) nakon prestanka radnog odnosa,
- 3) u skladu sa članom 71. stav 2. ovog Zakona”.

Član 15.

U članu 75. stav (4) mijenja se i glasi:

“(4) Policijski službenik koji se prijavi za unapređenje iz čina inspektor u čin viši inspektor mora imati najmanje VI stepen stručne spreme ili prvi ciklus visokog obrazovanja 180 ili 240 ECTS bodova. Policijski službenik koji se prijavljuje iz čina viši inspektor u čin samostalni inspektor ili iz čina samostalni inspektor u čin glavni inspektor mora imati najmanje završen prvi ciklus visokog obrazovanja 240 ECTS bodova ili VII stepen stručne spreme”.

Član 16.

U članu 76. stav (2) riječi “policijskom organu” zamjenjuju se riječima “policijskim organima u BiH”. Iza interpunkcijskog znaka tačka dodaje se novi tekst, koji glasi: “U stvarno vrijeme ne uračunava se vrijeme koje je policijski službenik proveo na neplaćenom odsustvu i za vrijeme suspenzije”.

Član 17.

Iza člana 78. dodaje se novi član 78a. koji glasi:

“Član 78a.**Posebno unapređenje policijskog službenika dobitnika pojedinačne nagrade**

(1) Policijski službenik čiji je rad u prethodne tri godine ocijenjen najvišom ocjenom, koji je postigao izvanredne rezultate u radu i značajno doprinosa povećanju sigurnosti u Bosni i Hercegovini i sigurnosti njenih građana, te koji je proveo u trenutnom činu najmanje jednu trećinu vremena propisanog za sticanje višeg čina, a dobitnik je policijske medalje za hrabrost, zlatne policijske značke ili srebrne policijske značke u skladu sa podzakonskim propisima donesenim na osnovu ovog Zakona, te koji ispunjava uvjete iz člana 75. ovog Zakona, može biti unaprijeđen u sljedeći viši čin.

(2) Policijski službenik može biti unaprijeđen na ovakav način jednom u toku svoje profesionalne karijere.

(3) Sve slučajeve posebnog unapređenja policijskih službenika dobitnika pojedinačnih nagrada iz stava (1) ovog člana razmatra komisija za unapređenje iz člana 77. stav (3) ovog Zakona, a odluku o unapređenju iz stava (1) ovog člana donosi policijski komesar na osnovu prijedloga komisije za unapređenje.”

Član 18.

U članu 102. stav (1) dodaje se nova alineja, koja glasi: “- dobrovoljno davanje krvi jedan dan po doniranju, ali najviše tri dana u toku godine”.

Član 19.

(1) U članu 105. stav (2) iza riječi “krivična” dodaju se riječi “ili prekršajna”, a iza riječi “djelo” dodaju se riječi “ili prekršaji”, a iza riječi “djela” dodaju se riječi “ili prekršaja”.

(2) U stavu (3) iza riječi “krivične” dodaju se riječi “ili prekršajne”.

(3) U stavu (5) tačka 3. riječi “uz stručnu pomoć advokata kojeg sam izabere”, zamjenjuju se riječima “uz pomoć predstavnika sindikata Ministarstva”.

Član 20.

U članu 117. stavovi (1) i (2) mijenjaju se i glase:

“(1) Vođenje postupka zbog lakše povrede službene dužnosti zastarijeva u roku od šest mjeseci od dana saznanja za izvršenu povredu službene dužnosti i počinioaca, a najduže u roku od godine dana od dana izvršenja povrede.

(2) Vođenje postupka zbog teže povrede službene dužnosti zastarijeva u roku od godinu dana od dana saznanja za izvršenu povredu i počinioca, a najduže u roku od dvije godine od dana izvršenja povrede”.

Član 21.

(1) U članu 124. stav (2) iza riječi “službenika” dodaju se riječi „i kandidata u procesu odabira kadeta”.

(2) U stavu (5) broj “20” zamjenjuje se brojem “30”.

Član 22.

Ovaj zakon stupa na snagu osmog dana od dana objavljivanja u “Službenom glasniku Unsko-sanskog kantona”.

Broj 01-02-1-671/14 Predsjedavajući Skupštine
29. januara 2014. godine Unsko-sanskog kantona
B i h a ć **Farko Hodžić**

122.

Na osnovu člana 11. e) odjeljka A. poglavlja V. Ustava Unsko-sanskog kantona (“Službeni glasnik Unsko-sanskog kantona” broj: 01/04 i 11/04) i člana 35. Zakona o Budžetima u Federaciji Bosne i Hercegovine (“Sužbene novine Federacije Bosne i Hercegovine” broj:102/13), Skupština Unsko-sanskog kantona na 44. sjednici

održanoj dana 29.01. i 03.02. 2014. godine, usvojila je sljedeću

ODLUKU

O IZMJENAMA ODLUKE O PRIVREMENOM FINANSIRANJU UNSKO-SANSKOG KANTONA ZA PERIOD JANUAR-MART 2014. GODINE

Član 1.

Član 2. Odluke o privremenom finansiranju Unsko-sanskog kantona za period januar-mart 2014.godine, broj: 01-02-3-664/13 od 30.12.2013. godine, se mijenja i glasi:

“Privremeno finansiranje Unsko-sanskog kantona za period januar-mart 2014.godine, ove Odluke utvrđuje se u iznosu od **34.627.012,30 KM.**”

Član 2.

Sastavni dio ove Odluke je tabela B – IZDACI ZA I – III 2014. godine, a po kojoj će se izvršavati ova Odluka.

Član 3.

Ova Odluka stupa na snagu danom donošenja i objavit će se u “Službenom glasniku Unsko-sanskog kantona”.

Broj 01-02-3-667/14 Predsjedavajući Skupštine
29. januara 2014. godine Unsko-sanskog kantona
B i h a ć **Farko Hodžić**

TABELA B - IZDACI ZA I-III 2014. g.

EKONOMSKI KOD	IZDACI	Plan izvršenja 01.01.- 31.03.2014.g.
<i>I</i>	<i>2</i>	<i>5</i>
	I UKUPNI IZDACI (+C223)	34.627.012,30
	II - TEKUĆI IZDACI	34.363.543,11
611000	Plaće i naknade troškova zaposlenih	27.628.578,76
611100	Bruto plaće i naknade	24.884.469,24
611200	Naknade troškova zaposlenih (topli obrok, prevoz radnika, smještaj i odvojeni život)	2.744.109,52
612100	Doprinosi poslodavca	2.625.124,26
612100	Ostali doprinosi-beneficirani radni staž	235.396,07
613000	Izdaci za materijal i usluge	1.547.623,69
613100	Putni troškovi	40.458,58
613200	Izdaci za energiju	381.291,32
613300	Izdaci za komunalne usluge	195.963,15
613400	Nabavka materijala	67.358,59